

### 13. Regionalna konferencija Evropske mreže preduzetništva

Predstavnici Univerziteta u Istočnom Sarajevu prisustvovali su 13. SEE Regionalnoj konferenciji 2023 Evropske mreže preduzetništva koja je održana u Skoplju, Sjeverna Makedonija u periodu od 6-7. decembra 2023. godine.



Delegaciju Univerziteta u Istočnom Sarajevu su činili koordinator Evropske mreže preduzetništva na Univerzitetu u Istočnom Sarajevu doc. dr Nenad Marković i prodekan za naučno istraživački rad Ekonomskog fakulteta Brčko doc. dr Dejan Tešić. Pomenutoj konferenciji prisustvovali su i predstavnici Evropske mreže preduzetništva Srbije, Bosne i Hercegovine (Federacije Bosne i Hercegovine i Republike Srpske), Slovenije, Hrvatske, Crne Gore i Sjeverne Makedonije, ukupno oko 100 učesnika.



Prisutni su imali priliku da učestvuju u panel diskusijama vezanim za investiranje u obnovljive izvore energije, kao i razvoj mehanizama i metoda za cirkularnu ekonomiju koje koriste start up organizacije i mala i srednja preduzeća. Poseban dio događaja predstavljao je “Circularity Demo Day” tokom kojeg su odabrane firme iz oblasti cirkularne ekonomije bile u prilici predstaviti svoje ideje pred investitorima i međunarodnim stručnjacima iz ove oblasti. Taj dio događaja pružio je praktičnu podršku početnicima i preduzećima u ranoj fazi razvoja koji usvajaju principe cirkularne ekonomije, smanjuju otpad i emisije, povećavaju prihode i razvijaju inovativne prakse.



Događaj su pratili različiti poslovni (B2B) susreti koji su učesnicima ponudili mogućnost razmjene iskustava i ideja za nove projekte i za nove poslovne poduhvate.

